

綫裝書局

高麗大藏經



B941
4
35

韓國海印寺藏原本

高麗大藏經

綫裝書局影印

第三五冊目次

雜阿含經 五十卷(二)	劉宋求那跋陀羅譯	一
別譯雜阿含經 十六卷	失譯	三一七
大般涅槃經 三卷	東晉法顯譯	四七三
佛般泥洹經 二卷	西晉白法祖譯	四九八
般泥洹經 二卷	失譯	五二一
佛說人本欲生經 一卷	後漢安世高譯	五四三
佛說尸迦羅越六方禮經 一卷	後漢安世高譯	五五二
佛開解梵志阿颺經 一卷	吳支謙譯	五五四
佛說寂志果經 一卷	東晉曇無蘭譯	五六一
佛說梵網六十二見經 一卷	吳支謙譯	五六九
起世經 十卷	隋闍那崛多譯	五七九
起世因本經 十卷	隋達摩笈多譯	六六〇

雜阿含經卷第二十

亦天竺三藏求那跋陀羅譯

之

如是我聞一時佛住舍衛國祇樹給
孤獨園舍衛國手成浴池側尊者阿
那律住舍衛國手成浴池側尊者舍
利弗詣尊者阿那律所共相問訊慰
勞已於一面坐尊者舍利弗語尊者
阿那律言奇哉阿那律有大德神力
於何功德修習多修習而能至此尊
者阿那律語尊者舍利弗言於四念
處修習多修習成此大德神力何等
為四念處內身身觀念處精勤方便
正念正知調伏世間貪憂如是外身
內外身內受外受內外受內心外心
內外心內法外法內外法觀念處精
勤方便正念正知如是調伏世間貪
憂尊者舍利弗是名四念處修習多
修習成此大德神力尊者舍利弗我
於四念處善修習故於大千世界少
作方便能遍觀察如明目士夫於樓
觀上觀下平地種種之物我少作方
便觀察大千世界亦復如是如是我

於四念處修習多修習成此大德神
力時二正士共論議已各從座起而去
如是我聞一時佛住舍衛國祇樹給
孤獨園尊者舍利弗尊者大目犍連
尊者阿難尊者阿那律住舍衛國舍
時尊者大目犍連詣尊者阿那律所
共相問訊慰勞已於一面坐時尊者
大目犍連問尊者阿那律於何功德
修習多修習成此大德神力尊者阿
那律語尊者大目犍連我於四念處
修習多修習成此大德神力何等為
四內身身觀念處精勤方便正念
正知除世間貪憂外身內外身內受
外受內外受內心外心內外心內法
外法內外法觀念處精進方便除
世間貪憂是名四念處修習多修習
成此大德神力於千須彌山以少方
便善能觀察如明目士夫登高山頂
觀下千多羅樹林如是我於四念處
修習多修習成此大德神力以少方
便見千須彌山如是尊者大目犍連
我於四念處修習多修習成此大德
神力時二正士共論議已各從座起

雜阿含經卷第二十

第三

之

而去

如是我聞一時佛住舍衛國祇樹給
孤獨園尊者舍利弗尊者大目犍連
尊者阿難尊者阿那律住舍衛國手
成浴池側舍時尊者阿那律住尊者阿
那律所共相問訊慰勞已於一面坐
尊者阿難問尊者阿那律於何功德
修習多修習成就如是大德大力大
神通尊者阿那律語尊者阿難我於
四念處修習多修習成此大德大力
何等為四內身身觀念處精勤方便
正念正知除世間貪憂如是
外身內外身內受外受內外受內心
外心內外心內法外法內外法觀念
處精勤方便除世間貪憂如是
尊者阿難我於此四念處修習多
修習少方便以淨天眼過天人眼見
諸衆生死時生時好色惡色上生下
色善趣惡趣隨業受生皆如實見此
諸衆生身惡行口意惡行誹謗賢聖
邪見因緣身壞命終生地獄中如是
衆生身善行口意善行不謗賢聖正
見成就以是因緣身壞命終得生天

雜阿含經卷第二十

第三

之

上譬如明目士夫住四衢道見諸人民若來若去若坐若卧我亦如是於四念處修習多修習成此大德大力神通見諸衆生死時生時善趣惡趣如是衆生身惡行口意惡行誹謗賢聖邪見因緣生地獄中如是衆生身善行口意善行不謗賢聖正見因緣身壞命終得生天上如是尊者阿難我於四念處修習多修習成此大德大力神通持二正士共論議已各從座起而去

如是我聞一時佛住舍衛國祇樹給孤獨園尔時尊者阿那律在舍衛國松林精舍身遭病苦時有衆多比丘詣尊者阿那律所問說慰勞已於一面住語尊者阿那律言尊者阿那律所患增損可安忍不病勢漸損不轉增耶尊者阿那律言我病不安難可安忍身諸苦痛轉增无損即說三種譬如上又摩經說然我身已遭此苦痛且當安忍正念正知諸比丘問尊者阿那律心住何所而能安忍如是大苦正念正知尊者阿那律語諸比

雜阿含經卷第三 第四誡

丘言住四念處我於所起身諸苦痛能自安忍正念正知何等為四念處謂內身身觀念處乃至受心法觀念處是名住於四念處身諸苦痛能自安忍正念正知時諸正士共論議已歡喜隨喜各從座起而去

如是我聞一時佛住舍衛國祇樹給孤獨園時尊者阿那律在舍衛國松林精舍病差未久時有衆多比丘往詣阿那律所問說慰勞已於一面坐問尊者阿那律安隱樂住不阿那律言安隱樂住身諸苦痛漸已休息諸比丘問尊者阿那律住何所住身諸苦痛得安隱尊者阿那律言住四念處身諸苦痛漸得安隱何等為四謂內身身觀念處乃至至法法觀念處是名四念處住此四念處故身諸苦痛漸得休息時諸正士共論議已歡喜隨喜各從座起而去

如是我聞一時佛住舍衛國祇樹給孤獨園時尊者阿那律在舍衛國松林精舍時有衆多比丘詣尊者阿那律所共相問說慰勞已於一面坐問

雜阿含經卷第三 第五誡

尊者阿那律若比丘在於學地上求安隱涅槃住聖弟子云何修習多修習於此法律得盡諸漏无漏心解脫慧解脫現法自知作證我生已盡梵行已立所作已作自知不受後有者當住四念處何等為四謂內身身觀念處乃至至法法觀念處如是四念處修習多修習於此法律得盡諸漏无漏心解脫慧解脫現法自知作證我生已盡梵行已立所作已作自知不受後有時諸比丘共聞尊者阿那律所說歡喜隨喜各從座起而去

如是我聞一時佛住舍衛國祇樹給孤獨園時尊者阿那律在舍衛國松林精舍住時有衆多比丘詣尊者阿那律所與尊者阿那律共相問說慰勞已於一面坐語尊者阿那律言若

雜阿含經卷第三 第六誡

阿羅漢比丘諸漏已盡所作已作捨離重擔離諸有結正智心善解脫亦修四念處耶尊者阿耨律語比丘言若比丘諸漏已盡所作已作捨離重擔離諸有結正智心善解脫彼亦修四念處也所以者何不得者得不證者證為現法樂住故所以者何我亦離諸有漏得阿羅漢所作已作心善解脫亦修四念處故不得者得不到者到不證者證乃至現法安樂住時諸正士共論議已歡喜隨喜各從座起而去

如是我聞一時佛住舍衛國祇樹給孤獨園時尊者阿耨律在舍衛國松林精舍時有衆多外道出家詣尊者阿耨律所共相問說慰勞已於一面坐語尊者阿耨律尊者何故於沙門瞿曇法中出家尊者阿耨律言為修習故復問何所修習答言謂修諸根修諸力修諸覺分修諸念處汝欲聞何等修復問根力覺分我不知其名字况復問義然我欲聞念處尊者阿耨律言諦聽善思當為汝說若比丘

雜阿含經卷第三 第七段 之

內身身觀念處乃至法法觀念處時衆多外道出家聞尊者阿耨律所說歡喜隨喜各從座起而去

如是我聞一時佛住舍衛國祇樹給孤獨園余時尊者阿耨律在舍衛國住松林精舍時尊者阿耨律語諸比丘譬如大樹生而順下隨後輪若伐其根樹必當倒隨所而順下是比丘修四念處長夜順趣後輪向於遠離順趣後輪向於出要順趣後輪向於涅槃尊者阿耨律說此經已諸比丘聞其所說歡喜奉行

如是我聞一時佛住舍衛國祇樹給孤獨園余時尊者摩訶迦旃延在跋蘭鄰聚落為泥池側時有執澡灌杖梵志詣摩訶迦旃延所共相問說慰勞已於一面坐問摩訶迦旃延言何因何緣王王共諍婆羅門居士婆羅門居士共諍摩訶迦旃延答梵志言貪欲繫著因緣故王王共諍婆羅門居士婆羅門居士共諍梵志復問何因何緣出家出家而復共諍摩訶迦旃延答言以見欲繫著故出家出家

雜阿含經卷第三 第八段 之

而復共諍梵志復問摩訶迦旃延頗有能離貪欲繫著及離此見欲繫著不尊者摩訶迦旃延答言梵志有我大師如來應等正覺明行足善逝世間解无上士調御丈夫天人師佛世尊能離此貪欲繫著及見欲繫著梵志復問佛世尊今在何所答言佛世尊今在婆羅耆人中拘薩羅國舍衛城祇樹給孤獨園余時梵志從座起整衣服偏袒右肩右膝著地向佛所住慶合掌讚歎

南無南無佛世尊如來應供等正覺能離欲貪諸繫著悉能遠離貪欲縛及諸見欲淨根本時持澡灌杖梵志聞尊者摩訶迦旃延所說歡喜隨喜從座起去

如是我聞一時佛住舍衛國祇樹給孤獨園尊者摩訶迦旃延在婆羅鄰烏泥池側與衆多比丘集於食堂為持衣事時有執杖梵志年耆根熟詣食堂所於一面拄杖而住須臾默然已語諸比丘諸長老汝等何故見老宿士不共語問說恭敬命坐時尊者

雜阿含經卷第三 第九段 之

摩訶迦旃延亦在衆中坐時尊者摩訶迦旃延語梵志言我法有宿老來皆共語問訊恭敬禮拜之令坐梵志言我見此衆中无有老於我者不恭敬禮拜命坐汝云何言我法見有宿老恭敬禮拜命其令坐摩訶迦旃延言梵志若有耆年八十九十髮白齒落成就年少法者此非宿士雖復年少年二十五色白髮黑盛壯美滿而彼成就耆年法者為宿士數梵志問言云何名為八十九十髮白齒落而復成就年少之法年二十五膚白髮黑盛壯美色為宿士數尊者摩訶迦旃延語梵志言有五欲功德謂眼識色愛樂念耳識聲鼻識香舌識味身識觸愛樂念於此五欲功德不離貪不離欲不離愛不離念不離濁梵志若如是者雖復八十九十髮白齒落是名成就年少之法雖年二十五膚白髮黑盛壯美色於五欲功德離貪離欲離愛離念離濁若如是者雖復年少年二十五膚白髮黑盛壯美色成就老人法為宿士數余時梵志

語尊者摩訶迦旃延如尊者所說義我自省察雖老則少汝等雖少成耆年法世間多事今便請還尊者摩訶迦旃延言梵志汝自知時余時梵志聞尊者摩訶迦旃延所說歡喜隨喜還其本處

如是我聞一時佛住舍衛國祇樹給孤獨園尊者摩訶迦旃延在稠林中住時摩偷羅國王是西方王子詣尊者摩訶迦旃延所禮拜摩訶迦旃延足退坐一面問尊者摩訶迦旃延婆羅門自言我第一他人卑劣我自餘人黑婆羅門清淨非非婆羅門是婆羅門子從口生婆羅門所化是婆羅門所有尊者摩訶迦旃延此義云何尊者摩訶迦旃延語摩偷羅王言大王此是世間言說耳世間言說言婆羅門第一餘人卑劣婆羅門自餘人黑婆羅門清淨非非婆羅門婆羅門從婆羅門生生從口生婆羅門所化是婆羅門所有大王當知業真實者是依業者王語尊者摩訶迦旃延此則略說我所不解願重分別尊者摩訶

迦旃延言今當問汝隨問答我即問言大王汝為婆羅門王於自國土諸婆羅門刹利居士長者此四種人悉皆召來以財以力使其侍衛先起後卧及諸使令悉如意不答言如意復問大王刹利為王居士為王長者為王於自國土所有四姓悉皆召來以財以力令其侍衛先起後卧及諸使令皆如意不答言如意復問大王如是四姓悉皆平等有何差別當知大王四種姓者皆悉平等无有勝如老別之異摩偷羅王白尊者摩訶迦旃延實余尊者四姓皆等无有種種勝如老別是故大王當知四姓世間言說為老別耳乃至依業真實无老別也復次大王此國土中有婆羅門有偷盜者當如之何王白尊者摩訶迦旃延婆羅門中有偷盜者或鞭或縛或驅出國或罰其金或截手足耳鼻罪重則煞及其盜者然婆羅門則名為賊復問大王若刹利居士長者中有偷盜者當復如何王白尊者摩訶迦旃延亦鞭亦縛亦驅出國亦罰其

金亦復斷截手足耳鼻罪重則煞如
是大王豈非四姓志平等耶為有種
種差別異不王白尊者摩訶迦旃延
如是義者實無種種勝如老別尊者
摩訶迦旃延復語王言當知大王四
種姓者世間言說言婆羅門第一餘
志卑劣婆羅門白餘人志黑婆羅門
清淨非非婆羅門當依業真實業依
耶復問大王婆羅門煞生偷盜邪婬
妄言惡口兩舌綺語貪恚邪見作十
不善業跡已為生惡趣耶善趣耶於
阿羅呵所為何所聞王白尊者摩訶
迦旃延婆羅門作十不善業跡當墮
惡趣阿羅呵所作如是聞刹利居士
長者亦如是說復問大王若婆羅門
行十善業跡離煞生乃至正見當生
何所為善趣耶為惡趣耶於阿羅呵
所為何所聞王白尊者摩訶迦旃延
若婆羅門行十善業跡者當生善趣
阿羅呵所作如是聞如是刹利居士
長者亦如是說復問云何大王如是
四姓為平等不為有種種勝如老別
王白尊者摩訶迦旃延如是義者則

為平等元有種種勝如老別是故大
王當知四姓志平等耳元有種種勝
如老別世間言說故有婆羅門第一
婆羅門白餘者志黑婆羅門清淨非
非婆羅門婆羅門生從口生婆羅
門作婆羅門化婆羅門所有當知業
真實業依王白尊者摩訶迦旃延實
如所說皆是世間言說故有婆羅門
勝餘者卑劣婆羅門白餘者志黑婆
羅門清淨非非婆羅門婆羅門生從
口生婆羅門化婆羅門所有皆是
業真實業依於業余時摩倫羅王問尊
者摩訶迦旃延所說歡喜隨喜作礼
而去

如是我聞一時佛住舍衛國祇樹給
孤獨園余時尊者摩訶迦旃延住阿
睺提國拘羅羅陀精舍尊者摩訶迦
旃延晨朝著衣持鉢入拘羅羅陀精
舍次第乞食至迦梨迦優婆夷舍時
優婆夷見尊者摩訶迦旃延即敷牀
坐諸令就坐前札尊者摩訶迦旃延
足退住一面白尊者摩訶迦旃延如
世尊所說答僧者多童女所問如世

尊說僧者多童女所問偈
實義存於心寂滅而不亂降伏諸勇猛
可愛端正色一心獨靜思眼食妙禪樂
是則為遠離世間之伴黨世間諸伴黨
無習近我者

尊者摩訶迦旃延世尊此偈其義云
何尊者摩訶迦旃延語優婆夷言姉
妹有一沙門婆羅門言地一切入處
正受此則无上為求此果姉妹若沙
門婆羅門於地一切入處正受清淨
鮮白者則見其本見患見滅見滅道
跡以見本見患見滅見滅道跡故得
真實義存於心寂滅而不亂姉妹如
是水一切入處火一切入處風一切
入處青一切入處黃一切入處赤一
切入處白一切入處空一切入處識
一切入處為无上者為求此果姉妹
若有沙門婆羅門乃至於識處一切
入處正受清淨鮮白者見本見患見
滅見滅道跡以見本見患見滅見滅
道跡故是則實義存於心寂滅而不
亂善見善入是故世尊答僧者多童
女所問偈

實義存於心寂滅而不乱降伏諸勇猛可愛端正色一心獨靜思服食妙禪樂是則為遠離世間之伴黨世間諸伴黨无習近我者

如是姊妹我解世尊以如是義故說如是偈優婆夷言善哉尊者說真實義唯願尊者受我請食時尊者摩訶迦旃延默然受請時迦梨迦優婆夷知尊者摩訶迦旃延受請已即辦種種淨美飲食恭敬尊重自手奉食時優婆夷知尊者摩訶迦旃延食已洗鉢澡敷訖敷一單坐於尊者摩訶迦旃延前恭敬聽法尊者摩訶迦旃延為迦梨迦優婆夷種種說法示教照喜示教照喜已從座起而去

如是我聞一時佛住舍衛國祇樹給孤獨園余時尊者摩訶迦旃延在舍衛國祇樹給孤獨園尊者摩訶迦旃延延諸比丘佛世尊如來應等正覺所知所見說於法於苦處昇於勝處說一乘道淨諸衆生離諸惱苦憂悲悉滅得真如法何等為六謂聖弟子念如來應等正覺所行法淨如來應

等正覺明行足善逝世間解无上士調御丈夫天人師佛世尊聖弟子念如來應所行法故離貪欲覺離瞋恚覺離害覺如是聖弟子出染著心何等為染著心謂五欲功德於此五欲功德離貪患癡安住正念正智乘於直道修習念佛正向涅槃是名如來應等正覺所知所見說第一出苦處昇於勝處一乘道淨於衆生離苦惱滅憂悲得如實法復次聖弟子念於僧法善向正向直向等向修隨順行謂向須陀洹得須陀洹果向斯陀含得斯陀含向可郁舍得阿郁舍向阿羅漢得阿羅

漢如是四雙八士是名世尊弟子僧戒具足定具足慧具足解脫具足解脫知見具足供養恭敬禮拜處世間无上福田聖弟子如是念僧時余時聖弟子不起欲覺瞋恚害覺如是聖弟子出染著心何等為染著心謂五欲功德於此五欲功德離貪患癡安住正念正知乘於直道修習念僧正向涅槃是名如來應等正覺所知所見說第三出苦處昇於勝處一乘道淨於衆生離苦惱滅憂悲得如實法復次聖弟子念於戒德念不缺戒不斷戒純厚戒不離戒非盜取戒善究竟戒可讚歎戒梵行不憎惡戒若聖弟子念此戒時自念身中所成就戒當於余時不起欲覺瞋恚害覺如是聖弟子出染著心何等為染著心謂五欲功德於此五欲功德離貪患癡安住正念正知乘於直道修習戒念正向涅槃是名如來應等正覺所知所見說第四出苦處昇於勝處一乘道淨於衆生離苦惱滅憂悲得如實法復次聖弟子自念施法心自欣慶我今

離慳貪垢離在居家解脫心施常施捨樂施具足施平等施若聖弟子念於自所施法時不起欲覺瞋恚害覺如是聖弟子出染著心於何染著謂五欲功德於此五欲功德離貪恚癡安住正念正知乘於直道修施念正向涅槃是名如來應等正覺所知所見說第五出苦處昇於勝處一乘道淨於衆生離苦惱滅憂悲得如實法尊者摩訶迦旃延說此經已諸比丘聞其所說歡喜奉行

雜阿含經

第十九經

之

如是我聞一時佛住舍衛國祇樹給孤獨園介時尊者摩訶迦旃延住釋氏訶梨聚落精舍時訶梨聚落長者詣尊者摩訶迦旃延所稽首礼足退坐一面白尊者摩訶迦旃延如世尊義品答摩捷提所問偈
斷一切諸流亦塞其流源乘落相習近牟尼下稱歎虛空於五欲永以不還滿世間諍言訟畢竟不復為
尊者摩訶迦旃延此偈有何義尊者摩訶迦旃延答長者言眼流者眼識起貪依眼界貪欲流出故名為流耳鼻舌身意流者謂意識起貪依意識界貪識流出故名為流長者復問尊者摩訶迦旃延云何名為不流尊者迦旃延語長者言謂眼識眼識所識色依生愛喜彼若盡无欲滅息沒是名不流耳鼻舌身意意識識所識法依生貪欲彼若盡无欲滅息沒是名不流復問云何尊者摩訶迦旃延答言謂緣眼及色生眼識三事和合生觸緣觸生受樂受苦受不苦不樂受依此染著流耳鼻舌身意識識法

雜阿含經

第十九經

之

三事和合生觸緣觸生受樂受苦受不苦不樂受依此受生愛喜流是名流源云何亦塞其流源謂眼界取心法境界繫著使彼若盡无欲滅息沒是名塞流源耳鼻舌身意取心法境界繫著使彼若盡无欲滅息沒是名亦塞其流源復問云何名習近相讚歎尊者摩訶迦旃延答言在家出家共相習近同喜同憂同樂同苦凡所為作患皆共同是名習近相讚歎復問云何不讚歎在家出家不相習近不同喜不同憂不同苦不同樂凡所為作患不相悅可是名不相讚歎云何不空欲謂五欲功德眼識色愛樂念長養愛欲深染著耳聲鼻香舌味身觸愛樂念長養愛欲深染著於此五欲不離貪不離愛不離念不離渴是名不空欲云何名空欲謂於此五欲功德離貪離欲離愛離念離渴是名空欲說我繫著使是名心法還復滿彼阿羅漢比丘諸漏已盡斷其根本如截多羅樹頭於未來世更不復生云何當復與他諍訟是故世尊說

雜阿含經

第十九經

之

義品答摩提提所問偈

若斷一切流 亦盡其流源 聚落相習近

半尼不稱歎 虛空於諸欲 永已不還滿

不復與世間 共言語諍訟

是名如來所說偈義分別也今時訶

梨聚落長者聞尊者摩訶迦旃延所

說歡喜隨喜作札而去

如是我聞一時佛住舍衛國祇樹給

孤獨園今時尊者摩訶迦旃延住釋

氏訶梨聚落精舍時訶梨聚落主長

者詣尊者摩訶迦旃延所稽首礼足

退坐一面白尊者摩訶迦旃延如世

尊於界隔山天帝釋石窟說言憍尸

迦若沙門婆羅門无上愛盡解脫心

正善解脫究竟邊際究竟無垢究竟

梵行畢竟清淨云何於此法律究竟

邊際究竟無垢究竟梵行畢竟清淨

尊者摩訶迦旃延語長者言謂眼眼

識眼識所識色相依生喜彼若盡无

欲滅息沒於此法律究竟邊際究竟

无垢究竟梵行畢竟清淨耳鼻舌身

意識識所識法相依生喜彼若盡滅

盡滅息沒比丘於此法律究竟无垢

之

究竟梵行畢竟清淨時訶梨聚落主
長者聞尊者摩訶迦旃延所說歡喜
隨喜作札而去

如是我聞一時佛住舍衛國祇樹給

孤獨園今時尊者摩訶迦旃延在釋

氏訶梨聚落聚落主長者詣尊者摩

訶迦旃延所稽首礼足退坐一面問

尊者摩訶迦旃延如世尊界隔山石

窟中為天帝釋說言憍尸迦若沙門

婆羅門无上愛盡解脫心善解脫邊

際究竟究竟無垢究竟梵行畢竟清

淨云何於此法律究竟邊際究竟無

垢究竟梵行畢竟清淨尊者迦旃延

語長者言若比丘眼界取心法境界

繫著使彼若盡无欲息沒於此法律

究竟邊際究竟无垢究竟梵行究竟

清淨耳鼻舌身意識界取心法境界

繫著使若盡離滅息沒於此法律究

竟邊際究竟無垢究竟梵行畢竟清

淨時訶梨聚落主長者聞尊者摩訶

迦旃延所說歡喜隨喜作札而去

如是我聞一時佛住舍衛國祇樹給

孤獨園今時尊者摩訶迦旃延住釋

之

氏訶梨聚落時訶梨聚落主長者身
遭病苦尊者摩訶迦旃延聞訶梨聚

落主長者身遭病苦聞已晨朝著衣

持鉢入訶梨聚落乞食次第入訶梨

聚落主長者舍訶梨聚落主長者遇

見尊者摩訶迦旃延從座欲起尊者

摩訶迦旃延見長者欲起即告之言

長者莫起幸有餘座我自可坐於餘

座語長者言云何長者病可忍不身

諸苦痛漸老愈不得无增耶長者答

言尊者我病難忍身諸苦痛轉增無

損即說三種譬如前又摩比丘經說

尊者摩訶迦旃延語長者言是故汝

當修佛不壞淨法不壞淨僧不壞淨

聖戒成就當如是學長者答言如佛

所說四不壞淨我悉成就我今成就

佛不壞淨法不壞淨僧不壞淨聖戒

成就尊者摩訶迦旃延語長者言汝

當依此四不壞淨修習六念長者當

念佛功德此如來應等正覺明行足

善逝世間解无上士調御丈夫天人

師佛世尊念法功德於世尊正法律

現法離諸熱惱非時通達緣自覺悟

念僧功德善向正向直向等向修隨
順行謂向須陀洹得須陀洹向斯陀
含得斯陀含向阿那含得阿那含向
阿羅漢得阿羅漢如是四雙八士是
名世尊弟子僧具足戒定慧解脫解
脫知見供養恭敬尊重之處堪為世
間无上福田念戒功德自持正戒
不毀不缺不斷不壞非盜取戒究竟
戒可讚歎戒梵行戒不憎惡戒念施
功德自念布施心自欣慶捨除慳貪
雖在居家解脫心施常施樂施具足
施平等施念天功德念四王天三十
三天炎摩天兜率陀天化樂天他化
自在天清淨信戒於此命終生彼天
中我亦如是清淨信戒施聞慧生彼
天中長者如是覺依四不壞淨增六
念處長者白尊者摩訶迦旃延世尊
說依四不壞淨增六念處我悉成就
我當修習念佛功德念法念僧念戒
念施念天尊者摩訶迦旃延語長者
言善哉長者能自記說得阿那含是
時長者白尊者摩訶迦旃延願於此
食尊者摩訶迦旃延默然受請訶梨

雜阿含經卷第二

第二十五

之

聚落主長者知尊者摩訶迦旃延受
請已具種種淨美食自手供養飯食
訖澡鉢洗漱畢為長者種種說法示
教照喜示教照喜已從座起去
如是我聞一時佛住舍衛國祇樹給
孤獨園介時尊者摩訶迦旃延於釋
氏訶梨聚落住時有八城長者名曰
陀施身遭病苦尊者摩訶迦旃延聞
陀施長者身遭苦患晨朝著衣持鉢
入八城乞食次到陀施長者舍如訶
梨長者經廣說

如是我聞一時佛住娑祇城安禪林
中介時衆多比丘尼詣佛所稽首礼
足退住一面介時世尊為衆多比丘
尼種種說法示教照喜示教照喜已
默然住時諸比丘尼白佛言世尊若
无相心三昧不勇不沒解脫已住住
已解脫此无相心三昧世尊說是何
果何功德佛告諸比丘尼若無相心
三昧不勇不沒解脫已住住已解脫
此无相心三昧智果智功德時諸比
丘尼問世尊所說歡喜隨喜作礼而
去時衆多比丘尼往詣尊者阿難所

雜阿含經卷第二

第二十六

之

稽首礼足退坐一面白尊者阿難若
无相心三昧不勇不沒解脫已住住
已解脫此三昧說是何果何功德尊
者阿難語諸比丘尼姊妹若无相心
三昧不勇不沒解脫已住住已解脫
世尊說是智果智功德諸比丘尼言
奇哉尊者阿難大師及弟子同句同
味同義所謂第一句義今諸比丘尼
詣世尊所以如是句如是味如是義
問世尊世尊亦已如是句如是味如
是義為我等說如尊者阿難所說不
異是故奇特大師及弟子同句同味
同義時諸比丘尼聞尊者阿難所說
歡喜隨喜作礼而去

如是我聞一時佛住拘睺彌國瞿師
羅園介時尊者阿難亦在彼住時有
闍知羅比丘尼詣尊者阿難所稽首
礼足退坐一面問尊者阿難若无相
心三昧不勇不沒解脫已住住已解
脫尊者阿難世尊說此何果何功德
尊者阿難語闍知羅比丘尼若无相
心三昧不勇不沒解脫已住住已解
脫世尊說是智果智功德闍知羅比

雜阿含經卷第二

第二十七

之

丘尼言奇哉尊者阿難大師及弟子同句同味同義尊者阿難昔於一時佛在婆祇城安禪林中時有衆多比丘尼往詣佛所問如此義尔時世尊以如是句如是味如是義為諸比丘尼說是故當知奇特大師弟子所說同句同味同義所謂第一句義時聞知羅比丘尼聞尊者阿難所說歡喜隨喜作礼而去

如聞知羅比丘尼迦羅跋比丘尼亦尔

如是我聞一時佛住俱睺弥國瞿師羅園尔時尊者阿難亦住俱睺弥國瞿師羅園時有異比丘得无相心三昧作是念我若詣尊者阿難所問尊者阿難若比丘得無相心三昧不勇不沒解脫已住住已解脫此无相心三昧何果世尊說此何功德尊者阿難若問我言比丘汝得此无相心三昧耶我未曾有實問異答我當隨逐尊者阿難脫有餘人問此義者因而得聞彼比丘即隨尊者阿難經六年中无有餘人問此義者即自問尊者

雜阿含經卷第三

第二十八

之

阿難若比丘問無相心三昧不勇不沒解脫已住住已解脫世尊說此是何果何功德尊者阿難問彼比丘言比丘汝得此三昧彼比丘默然住尊者阿難語彼比丘言若比丘得无相心三昧不勇不沒解脫已住住已解脫世尊說此是智果智功德尊者阿難說此法時異比丘聞其所說歡喜奉行

雜阿含經卷第三

癸卯歲高麗國大藏都監奉
勅雕造

雜阿含經卷第三

第二十九

之

雜阿含經卷第三十一

咸

宋天竺三藏求那跋陀羅譯

如是我聞一時佛住波羅利弗路國尊者阿難及尊者迦摩亦在波羅利弗路路鷄林精舍時尊者迦摩詣尊者阿難所共相問評慰勞已於一面坐語尊者阿難奇哉尊者阿難有眼有色有耳有聲有鼻有香有舌有味有身有觸有意有法而有比丘有是等法能不覺知云何尊者阿難彼比丘為有想不覺知為無想故不覺知尊者阿難語迦摩比丘言有想者亦不覺知况復無想復問尊者阿難何等為有想於有而不覺知尊者阿難語迦摩比丘言若比丘離欲惡不善法有覺有觀離生喜樂初禪具足住如是有想比丘有法而不覺知如是第二第三第四禪空入處識入處無所有入處具足住如是有想比丘有法而不覺知云何無想有法而不覺知如是比丘一切想不憶念無想心三昧身作證具足住是名比丘无

想於有法而不覺知尊者迦摩比丘復問尊者阿難若比丘無想心三昧不涌不沒解脫已住住已解脫世尊說此是何果何功德尊者阿難語迦摩比丘言若比丘無想心三昧不涌不沒解脫已住住已解脫世尊說此是智果智功德時二正士共論議已歡喜隨喜各徙坐起去

如是我聞一時佛住俱睺彌國瞿師羅園舍時尊者阿難亦在彼住時尊者阿難告諸比丘若比丘比丘居於我前自記說我當善哉慰勞問評或求以四道何等為四若比丘比丘居坐作如是住心善住心局住心調伏心止觀一心等受分別於法量度修習多修習已得斷諸使若有比丘比丘居於我前自記說我則如是善哉慰勞或求是名說初道復次比丘比丘正坐思惟於法選擇思量住心善住局住調伏止觀一心等受如是正向多住得離諸使若有比丘比丘居於我前自記說我當如是善哉慰勞或求是名第二說道復次比丘比丘

比丘為掉亂所持以調伏心坐正坐住心善住心局住心調伏止觀一心等受化如是正向多住已則斷諸使若有比丘比丘居於我前自記說我則如是善哉慰勞或求是名第三說道復次比丘比丘止觀和合俱行作如是正向多住則斷諸使若比丘比丘居於我前自記說者我則如是善哉慰勞教誡或求是名第四說道時諸比丘聞尊者阿難所說歡喜奉行如是我聞一時佛住俱睺彌國瞿師羅園尊者阿難亦在彼住時有異婆羅門詣尊者阿難所共相問評慰勞已於一面坐問尊者阿難何故於沙門瞿曇所修梵行尊者阿難語婆羅門為斷故復問尊者何所斷答言斷愛復問尊者阿難何所依而得斷愛答言婆羅門依於欲而斷愛復問尊者阿難豈非無邊際答言婆羅門非無邊際如有有邊際非無邊際復問尊者阿難云何有邊際非無邊際答言婆羅門我今問汝隨意答我婆羅門於意云何汝先有欲未諦精舍不

婆羅門答言如是阿難如是婆羅門來至精舍已彼欲息不答言如是尊者阿難彼精進方便籌量來諦精舍復問至精舍已彼精進方便籌量息不答言如是尊者阿難復語婆羅門如是婆羅門如來應等正覺所知所見說四如意足以一乘道淨衆生滅苦惱斷憂悲何等為四欲定斷行成就如足精進定心定思惟定斷行成就如足如是聖弟子修欲定斷行成就如足依離依無欲依出要依滅向於捨乃至斷愛斷已彼欲亦息修精進定心定思惟定斷行成就依離依無欲依出要依滅向於捨乃至愛盡愛盡已思惟則息婆羅門於意云何此非邊際耶婆羅門言尊者阿難此是邊際非不邊際舍時婆羅門問尊者阿難所說歡喜隨喜從座起去

如是我聞一時佛住拘睺彌國瞿師羅園尊者阿難亦在彼住舍時瞿師羅長者詣尊者阿難所稽首礼足退坐一面白尊者阿難云何名為世

問說法者云何名世間善向云何名世間善到尊者阿難語瞿師羅長者我今問汝隨意答我長者於意云何若有說法調伏貪欲調伏瞋恚調伏愚癡得名世間說法者不長者答言尊者阿難若有說法能調伏貪欲瞋恚愚癡是則名為世間說法復問長者於意云何若世間向調伏貪欲調伏瞋恚調伏愚癡是名世間善向若世間已調伏貪欲瞋恚愚癡是名善到耶為非耶長者答言尊者阿難若調伏貪欲已斷無餘瞋恚愚癡已斷無餘是名善到尊者阿難答言長者我試問汝汝便真實答我其義如此當受持之瞿師羅長者聞尊者阿難所說歡喜隨喜作禮而去

如是我聞一時佛住毗舍離狝猴池側重閣講堂尊者阿難亦在彼住介時無畏離車是居捷弟子聰明童子離車是阿耨毗弟子俱往尊者阿難所共相問評慰勞已於一面坐時無畏離車語尊者阿難我師居捷子滅熾然法清淨超出為諸弟子說如是道

宿命之業行苦行故志能吐之身業不作斷截橋梁於未來世無復諸漏諸業永盡業永盡故眾苦永盡若水盡故究竟苦邊尊者阿難此義云何尊者阿難語離車言如來應等正覺所知所見說三種離熾然清淨超出道以一乘道淨眾生離憂悲越苦惱得真如法何等為三如是聖弟子住於淨戒受波羅提木叉威儀具足信於諸罪過生怖畏想受持如是具足淨戒宿業漸吐得現法離熾然不待時節能得正法通達現見觀察智慧自覺離車長者是名如來應等正覺說所知所見說離熾然清淨超出以一乘道淨眾生滅苦惱越憂悲得真如法復次離車如是淨戒具足離欲惡不善法乃至第四禪具足住是名如來應等正覺說離熾然乃至得如實法復有三昧正受於此苦聖諦如實知此苦集聖諦苦滅聖諦苦滅道跡聖諦如實知具足如是智慧心業更不造宿業漸已斷得現正法離諸熾然不待時節通達現見生自覺智

離車是名如來應等正覺所知所見說第三離熾然清淨超出以一乘道淨眾生離苦惱滅憂悲得如實法介時居捷弟子離車無畏默然住介時阿耨毗弟子離車聰慧重語離車無畏言恠我無畏何默然住於如來應等正覺所知所見善說法聞不隨喜耶離車無畏答言我思惟其義故默然住耳離聞世尊沙門瞿曇所說法不隨喜者若有聞沙門瞿曇說法而不隨喜者此則愚夫長夜當受非義不饒益苦時居捷弟子離車無畏阿耨毗弟子聰慧重聞佛所說法尊者阿難隨所說歡喜隨喜從座起去

如是戰闍一時佛住舍衛國祇樹給孤獨園尊者阿難亦在彼住時有異比丘居於尊者阿難所起染著心遣使白尊者阿難我身過病苦唯願尊者哀愍見看尊者阿難晨朝著衣持鉢往彼比丘居所彼比丘居遙見尊者阿難來露身體卧牀上尊者阿難遙見彼比丘居身即自攝飯諸根

迴身背住彼此丘丘見尊者阿難攝
綬諸根迴身背住即自慙愧起者未
服敷坐具出迎尊者阿難請令就座
稽首礼足退住一面時尊者阿難為
說法言姊妹如此身者穢食長養憍
慢長養愛所長養婬欲長養姊妹依
穢食者當斷穢食依於慢者當斷憍
慢依於愛者當斷愛欲姊妹云何名
依於穢食當斷穢食謂聖弟子於食
計數思惟而食無著樂想無憍慢想
無摩拭想無莊嚴想為持身故為養
活故治飢渴病故攝受梵行故宿諸
受今滅新諸受不生崇習長養若力
若樂若觸當如是住譬如商客以酥
油膏以膏其車無滌著想無憍慢想
無摩拭想無莊嚴想為運載故如病
瘡者塗以酥油無著樂想無憍慢想
無摩拭想無莊嚴想為瘡愈故如是
聖弟子計數而食無滌著想無憍慢
想無摩拭想無莊嚴想為養活故治
飢渴故攝受梵行故宿諸受離新諸
受不起若力若樂若無罪觸安隱住
姊妹是名依食斷食依慢斷慢者云

雜阿含經卷第三十二 東張

何依慢斷慢謂弟子聞某尊者某尊
者弟子盡諸有漏無漏心解脫慧解
脫現法自知作證我生已盡梵行已
立所作已作自知不受後有聞已作
是念彼聖弟子盡諸有漏乃至自知
不受後有我今何故不盡諸有漏何
故不自知不受後有當於今時則能
斷諸有漏乃至自知不受後有姊妹
是名依慢斷慢姊妹云何依愛斷愛
謂聖弟子聞某尊者某尊者弟子盡
諸有漏乃至自知不受後有我等何
不盡諸有漏乃至自知不受後有彼
於今時能斷諸有漏乃至自知不受
後有姊妹是名依愛斷愛姊妹無所
行者斷截婬欲和合槁梁尊者阿難
說是法時彼比丘丘遠塵離垢得法
眼淨彼比丘丘見法得法覺法入法
度狐疑不由於他於正法律心得无
畏礼尊者阿難足白尊者阿難我今
發露悔過愚癡不善脫作如是不派
類事今於尊者阿難所自見過自知
過發露悔過哀愍故尊者阿難語比
丘丘汝今真實自見罪自知罪愚癡

雜阿含經卷第三十二 東張

不善汝自知作不類之罪汝今自知
自見而悔過於未來世得具足戒我
今受汝悔過哀愍故令汝善法增長
終不退滅所以者何若有自見罪自
知罪能悔過者於未來世得具足戒
善法增長終不退滅尊者阿難為彼
比丘丘種種說法示教照喜已從座
起去

如是我聞一時佛在橋池人間遊行
與尊者阿難俱至婆頭聚落國北身
怒林中今時婆頭聚落諸童子聞尊
者阿難橋池人間遊行住婆頭聚落
國北身怒林中聞已相呼聚集往詣
尊者阿難所稽首礼尊者阿難足退
坐一面時尊者阿難語諸童子言帝
淨心清淨見清淨解脫清淨云何為
戒清淨謂聖弟子住於戒波羅提木
叉戒增長威儀具足於微細罪能生
恐怖受持學成戒身不滿者能令滿
足已滿者隨順執持欲精進方便起
出精勤勇猛堪能諸身心法常能攝
受是名戒清淨苦種云何名為心淨

雜阿含經卷第三十二 東張

斷謂聖弟子離欲惡不善法乃至第四禪具足住定身未滿者令滿已滿者隨順執受欲精進乃至常執受是名心淨斷苦種云何名為見淨斷謂聖弟子聞大師說法如是如是說法則如是如是入如實正觀如是如是得歡喜得隨喜得從於佛復次聖弟子不聞大師說法然從餘明智尊重梵行者說聞尊重梵行者如是如是說則如是如是入如實觀察如是如是是觀察於彼法得歡喜隨喜信於正法復次聖弟子不聞大師說法亦復不聞明智尊重梵行者說隨先所聞受持者重誦習隨先所聞受持者如是如是重誦已如是如是得入彼法乃至信於正法復次聖弟子不聞大師說法不聞明智尊重梵行者說又復不能先所受持重誦習然先所聞法為人廣說先所聞法如是如是為人廣說如是如是得入於法正智觀察乃至信於正法復次聖弟子不聞大師說法復不聞明智尊重梵行者說又復不能先所受持重誦習亦復

雜阿含經卷第二十一 第十法

不以先所聞法為人廣說然於先所聞法獨一靜處思惟觀察如是如是思惟觀察如是如是得入正法乃至信於正法如是從他聞內正思惟是名未起正見今起已起正見今增廣是名未滿戒身今滿已滿者隨順攝受欲精進方便乃至常攝受是名見淨斷苦種云何為解脫清淨斷謂聖弟子貪心無欲解脫志癡心無欲解脫如是解脫未滿者令滿已滿者隨順攝受欲精進乃至常攝受是名解脫淨斷苦種尊者阿難說是法時婆頭聚落諸童子聞尊者阿難所說歡喜隨喜作礼而去

雜阿含經卷第二十一 第十法

者如所說枝青以白覆一幅轉之車離結觀察來斷派不復縛長者此偈有何義質多羅長者言尊者那伽達多世尊說此偈耶荅言如是質多羅長者語尊者那伽達多言尊者須臾默然我當思惟此義須臾默然思惟已語尊者那伽達多言青者謂戒也白覆謂解脫也一幅者身念也轉者轉出也車者止觀也離結者有三種結謂貪恚癡彼阿羅漢諸漏已盡已滅已知已斷根本如截多羅樹頭更不復生未來世滅不起法觀察者謂見也來者人也斷派者愛源於生死彼羅漢比丘諸漏已盡已知斷其根本如截多羅樹頭不復生於未來世成不起法不縛者謂三縛貪欲縛瞋恚縛愚癡縛彼阿羅漢比丘諸漏已盡已斷已知斷其根本如截多羅樹頭更不復生於未來世成不起法是故尊者那伽達多世尊說此偈枝青以白覆一幅轉之車離結觀察來斷派不復縛

雜阿含經卷第二十一 第十法